

順權方便經卷上

莫

西晉三藏法師竺法護譯

沙門法品第一

聞如是一時佛在王舍城靈鷲山中與大比丘眾俱比丘五百菩薩八千一切大聖神通已達已速揔持辯才無礙獲無所畏得不起

子華

忍奉無數佛植眾德本皆志大乘至不退轉弘無盡哀救濟十方其名曰空無菩薩持土菩薩持人菩薩持祠身菩薩觀意菩薩淨意菩薩上意菩薩信樂意菩薩持意菩薩增念意菩薩喜見菩薩善見菩薩可意見菩薩普利可見菩薩彌勒菩薩普及一切賢劫菩薩

咸來集會悉共俱坐

爾時世尊在王舍城開化一國國王大臣百官羣僚長者梵志凡庶人民僉共一心奉事供養衣被飲食醫藥牀卧一切所安莫不欣然於時賢者須菩提明日著衣持鉢欲行分衛未入城門行詣佛所稽首足下退任一面

前白佛言唯然大聖我夜卧寐夢中見已坐佛樹下而見如來稽首足下遷任一面時佛以紫金色手摩我頂上頌宣斯言而告於我今日須菩提當得速聞古昔已來所未聞法唯聖垂愍敢說此意是則何等先之瑞應佛告須菩提有法典名曰順權方便諸族姓

子及族姓女所宜奉行以斯比像先現瑞應仁當速聞未曾有法時須菩提前白佛言我今欲入王舍大城因行分衛佛言從意順時無違道節善哉行矣時須菩提見佛聽之入城分衛普行求食尋到諸家貴姓長者梵志因入其舍在門中庭默然而住

時長者家有一女人普莊嚴身珠璣瓔珞服栴檀香以紫金寶文飾其體端正姝好威發晃昱光澤第一淨如蓮華從其室出問須菩提賢者何緣住門中庭須菩提報曰姊欲知之故來分衛其女答曰今須菩提故復懷抱分衛想乎未斷思食耶須菩提答曰姊欲知

之食想已斷又有是身父母遺體在胞胎中
飲食養之而至成長習之來久不可離食女
又問曰須菩提賢者未斷生死衆行故有終
始愁感悲泣不可意惱不造證乎須菩提答
曰已造證矣身口心寂又問賢者爲滅身乎
須菩提答曰其滅度者無有身也法無所除

世八

二

亦無所行女又問曰若使諸法皆無滅除無
所行者賢者須菩提云何捨身而分衛乎安
和成就也須菩提答曰其滅定者當普觀之
休息興立顯身亦復非造女又問曰其滅定
者所在定行則不滅度若以滅定則無所生
亦無所滅女又問曰若無所生無所滅者云

何賢者離身分衛不以安和須菩提答曰如
來聲聞行分衛時爲捨身耶女又問曰佛歎
賢者於聲聞中行空第一空有處耶須菩提
答曰然如姊來言女又問曰其所行空豈往
反乎須菩提答其行空者無有往反女又問
曰假使空行無有往反賢者何故周旋行來

而分衛乎須菩提答曰雖行分衛不貪養身
欲以休息痛痒苦故而行分衛也女又問曰
賢者復有痛痒懷惱衆難厄乎須菩提答曰
無痛痒不懷衆難又欲休息飢虛痛痒故行
分衛其女答曰賢者今行不等空業所以者
何其行空者不以痛痒而爲苦患一切三界

無所有故又行空者不倚身心不生念身心
亦無所染無樂不樂其行空者悉無諸法乃
處閑居女又問曰賢者處在閑居行空第一
以何等故名曰空閑須菩提答曰所以曰空
不以因緣捨欲衆塵乃曰閑居女又問曰其
行空者捨貪欲乎須菩提答曰其行空者不

世八

三

捨貪欲耶女又問曰云何捨欲名曰行空須
菩提答曰所可說者是假言辭又問賢者行
空豈有辭乎而仁說之須菩提答曰假託辭
耳賢聖聲聞本之言教也女又問曰咨嗟言
辭心存言辭則墮顛倒其墮顛倒則處諍訟
其處諍訟則非沙門不應法義須菩提問姊

何謂名曰沙門法義其女答曰無有言辭乃沙門法若無言辭則無顛倒無顛倒者則無諍訟無諍訟者是沙門法所致法者永離二行乃謂一法謂沙門法無想不想永寂衆想乃謂沙門無爲無散遠離合散超越邪迹入平等道謂沙門法無有境土離於分界無爲滅度謂沙門法以知止足不貪道俗永無所著亘然無迹謂沙門法無著無縛亦無有脫等猶虛空謂沙門法亦無心念除心意識謂沙門法常知節限少欲少事無所悞望謂沙門法消去貪欲心無所慕志若太山不可傾動謂沙門法棄捨欲樂心不虛渴不好三界謂沙門法皆離分界十方境土越諸所作無所起生謂沙門法捨五陰魔及有形體無有衆難無有塵勞謂沙門法越度魔界貪欲所消心無所生亦不馳逸謂沙門法以超死魔而無所著不懷妄想謂沙門法不慕天魔心無所思志等如地謂沙門法不著吾我解一

切空寂然憚怕謂沙門法心無所倚以無想行而不增損謂沙門法以捨望想心無所願不有取捨謂沙門法遊在三界而無所行決衆疑網謂沙門法消衆入無無有諸衰陰蓋永滅謂沙門法捨于調戲不存放逸降伏其心謂沙門法不抱瞋恚心不懷恨寂寞定意

廿六

四

境上謂沙門法曉了諸入自然如化本無處所謂沙門法自然如空而暢無爲不好有爲謂沙門法永以棄去一切諸數無有取捨謂沙門法自於己利而知止足不有諍訟謂沙門法和心一切顯現衆生等行忍辱謂沙門法無所云失心不忘捨速得解脫謂沙門法

心已解脫而無所怙。且然寂寞謂沙門法。猶若虛空不可譬喻。等無有侶。謂沙門法。女說於是行沙門法時。諸天子等集會門庭。四天子遠塵離垢。諸法眼淨。五百天子舉聲歎曰。篤信微妙。聞於上法。至心和雅。悉發無上正真道意。

見諦品第二

爾時賢者須菩提而口歎曰。至未曾有。是姊辯才慧明。巍巍所頌。宣法音聲和雅。必佛威神。將是如來所化。不疑於時。彼女知須菩提心念本末。報須菩提。如今賢者所識。察之。其沙門法離於分界。無有境上。無著無縛。亦無所脫。心自念言。必如來化。誠如所云。今吾觀身如來所化。現作女像。悉了本無所以者。何如來至真解暢。本無吾身。本無等無有異。由是之故。如來所化。如來色本無我色。本無無二。亦復然矣。以是之故。如來所化。痛痒行識。皆為本無。五陰本同自然。無際悉為本無。以

五

五

是之故。如來所化。如來本無一切衆生。其無本無諸聖。本無吾身。本無等無有異。以故名曰如來所化。如來本無一切諸法。亦復本無一切道義。亦復本無身亦同然。以是之故。如來所化。如來本無悉無所生。無有處所。如來本無悉無所生。亦無所滅。吾身本無不起不

滅。以是之故。如來所化。如來本空。一切如幻。吾身本無。本無同然。本空不起不滅。以是之故。如來所化。如來所化一切本無。一切衆生本無。處所諸法本無。其本審諦真實。本無等無有異。悉虛無形。又須菩提舉要言之。一切諸法皆住本無。吾以是故。如來所化時。須菩提問其女言云。何今姊以佛聖威。知我心念。為以己力。明見之耶。其女答曰。今須菩提能知他人衆生心。所念乎。聲聞緣覺諸菩薩衆。五通仙人外學異法。皆佛威神而有所知。所以者何。一切應時從佛受教。如今尊者須菩提。知於他人衆生心念。以是之故。亦佛威神

而能知之猶如天下一切衆生因以日月大炬燈火十方衆焰諸有光明緣覩諸色如是須菩提諸佛弟子見衆生心照以聖慧消愚癡冥使逮道明皆佛威神於時賢者須菩提謂其女曰唯爲我說今女爲誰從何而來乃有此辯女答須菩提假使有人問如來化今汝爲誰從何而來於時化佛以何發遣須菩提答曰無所發遣其女答曰如是須菩提其化自然解諸法相一切如是亦無所知女又問曰今問仁者爲有學業爲是凡夫是羅漢乎若作是問以何答之須菩提答曰吾非學業亦非凡夫亦非羅漢其女問曰今須菩提以心相倚而答我耶報曰如是須菩提曰女何報我女曰若深山中聞所呼聲乎以用心意而相答耶答曰不也響因虛空而有其音女曰如須菩提豈可遠致乎緣其法行得入道耶因立證明成就道德而可處當也音聲本無吾我言辭亦復如是悉亦本無時虛空

六

六

中自然有音歎於此辭女說是言令須菩提透聞虛空自然之音宣揚答曰向者仁言吾非學業亦非凡夫亦非羅漢行得執持何法諸漏已盡至於等時以致羅漢耶須菩提答曰若如來化行得處所我執持行其宜若斯其女答曰仁須菩提非羅漢乎諸漏不盡耶佛歎仁者諸聲聞中行空第一須菩提答曰吾非羅漢諸漏不盡亦不行空不歎第一女又問賢者心樂堪任云何自誤而竊妄語須菩提答曰假使我見智達諸法已得羅漢衆漏化盡世尊歎誅行空第一爾乃我墮妄語兩舌我不知法不覩所在以是之故不爲妄言所言至誠女又問曰仁者須菩提此諸天子其見諦者來會門下聽受經法謂仁不實須菩提答曰其見諦者諸天世人莫能欺者女又問曰賢者若有所見爲不至誠須菩提問曰其有所見爲不諦乎女曰其覩誠諦不可見也女又問曰耆年須菩提能見真諦乎

須菩提答曰假如女言我悉不見欺詐之業
況復觀見至誠諦耶所以者何一切皆空於
時須菩提謂其女曰所言至誠爲何謂耶女
答曰唯須菩提所云至誠於一切法悉無所
生其見誠者則觀顛倒須菩提問女爲誰說
斯如是言教其女答曰唯須菩提處在顛倒

卅八

七

不起塵勞不起見諦乃爲真諦以觀在顛倒
不見真諦

時諸天子會在門下觀其女身微妙之業則
誓首女禮須菩提口宣斯言聞須菩提親觀
此女聽其辯才各自歎曰爲得善利無極之
慶若聞是教篤信愛樂亦復難遇況復好喜

而奉行者德不可量

女復謂須菩提猶如斯地無所不忍淨與不
淨香潔臭穢不以增損若有行者修平等心
悉忍苦樂不以進退猶如淨水無所不洒淨
不淨物不以憎愛行者如是心猶若水洒除
衆惡三垢之穢在於善惡不用增損猶若火

然在所燒盡無所去就行者如是消除禍福
若遭二難等無增損猶若風起在所而飄不
有愛惡行者如是若遇苦樂賢愚淨穢不以
增損猶若喻空靡所不忍空不念是忍與不
忍行者如是心平如空無有增損所值善惡
不以喜怒猶若橋船一切衆人王者小人貧

貴尊卑皆猶之度無所分別行等心者亦復
如是志若橋船無有瞋喜怨友無二明智賢
士於忍凡夫聖慧坦然心不有二所以者何
若須菩提發起瞋恚厭恨之心同於學士皆
當忍之不當怒報也令不瞋恨猶如火熾尋
時滅之不當使盛如是須菩提若貪欲與塵
勞然熾制伏其心令不馳逸乃逮正定

爾時賢者須菩提問其女曰汝何志求而乃
如是師子吼乎其女答曰若有志求未曾能
暢師子吼也其無志求乃師子吼所以者何
有所求者則墮顛倒以墮顛倒無師子吼有
所志求便爲貪身輒墮諸見無師子吼又賢

者問女何志求而乃如是師子吼乎賢者何求漏盡意解須菩提答女姊欲知之不用志求而致解脫女又答曰昔年本時無所志求致得漏盡意解乎吾亦如是逮無所逮其法界者行無所獲須菩提曰如今觀女必志大乘終無疑也以是之故大師子吼舉動進止

出廿八

八

言談以類大乘之學女又問曰豈能識別大乘行迹舉動進止為何等類須菩提答女曰聲聞雖聽不能頒宣大乘所觀唯女堪任敷演大乘所行深妙廣為分別女曰賢者其大乘者無所罣礙慧無陰蓋其明無二此之謂也猶日月前健行諸天自恣無礙無能蔽者

住於虛空而飄疾行所遊天下周遍四域照闇淨利衆生蒙明莫不被荷大乘如是正士廣學無所罣礙無能蔽者其心等住住無所住其心奉行六度無極顯示十方一切法明故曰大乘猶轉輪王所遊行處輒居四域菩薩大士至若干種衆生類中在衆邪行等修

慈心其大正士如是所至到處常能獨步沙門梵志諸天人民郡國縣邑州域大邦利益衆生菩薩常行四恩之業救攝一切修若干敬故曰大乘諸天龍神捷沓悉阿須輪迦留羅真陀羅摩休勒釋梵四天明智賢聖正士聰達以諸平等正行之原逮成真諦所見奉

敬故曰大乘其大乘者唯須菩提而不可盡悉無所生不斷佛教三寶之訓諮受佛慧道法之業奉順聖衆以大慧明勸化衆生善具弘妙無雜碎行所作真正解暢備悉六度無極以四恩行救攝危厄寂然庠序修八正道意止意斷奉無極慈修無蓋哀堅住大道於

出廿八

九

一切智永乘畏難降伏衆魔捨諸闇昧顯智慧明富衆德本諸行具足諸天人民阿須倫所見歸命衆魔外學莫不降伏一切聲聞諸緣覺等莫能當者化衆不信令篤樂法慈悲愍念諸懷瞋害以布施攝慳貪以持戒攝犯禁以忍辱攝瞋恚以精進攝懈怠以一心攝

亂意以智慧攝愚癡以財寶攝貧窮以安和攝苦患以歡悅從明智故曰大乘

分衛品第三

於是賢者須菩提問其女曰快歎大乘須宣行業瑞應本末其女答曰正使我身一劫過劫咨嗟大乘不能究暢得其邊涯如大乘業不可限量其德至淳功勳名稱不可得計又須菩提謂其女曰姊問我言賢者何故而行分衛如來至真亦行分衛從如來緣奉不違命其女答曰唯須菩提能知諸佛善權方便欲開化衆故行分衛須菩提問女女亦堪任諸佛若干行隨時之義吾身不能唯說其意

修權方便行分衛乎女復報曰賢者復聽如來至真以二十事觀察法儀而行分衛何謂二十一日現己身色形像微妙端正二曰順從如來分衛學法三曰若有衆生欲習嚴佛法備悉身相種好六曰令發無上正真道意

七曰念於如來而行分衛如法效之八曰若如來入郡國縣邑郡國縣邑普得安隱九曰盲者得目悉覩諸色十曰聾者得聽別若干意十一曰心亂迷惑者伏定其意十二曰若裸形者得自然衣十三曰飢得食糧十四曰渴得水漿十五曰病者得愈十六曰無怒無

癡十七曰無貪無嫉十八曰不恨不恚亦無自大十九曰心不懷惱普愍衆生二十曰念無央數衆生之類如身父母是謂二十若使如來入郡國縣邑坵聚行分衛者令諸衆生有所見聞發無上正真道心又須菩提世尊大哀未化衆生無數衆苦悉至三界隨時救

第八

十

護如來現義因得自在故行分衛唯須菩提如來所入郡國縣邑行分衛時無數諸天龍神捷沓悉阿須倫迦留羅真陀羅摩休勒釋梵四王皆隨侍之奉事供養承佛威神皆發道心又須菩提諸天龍神釋梵四王供養如來見如來身道明無邊寂然庠序心自念言

至未曾有如來至真所宣正典我等諸受所奉經法愛樂自歸如來至真發大道心以是之故而行分衛唯須菩提如來分衛無數衆人慕官貪士好財志豪求端正色欲多眷屬見佛世尊捨轉輪位出家爲道心自念言觀佛大哀詣貧匱家而行分衛棄世榮祿發無上正真意故行分衛唯須菩提諸大尊神天子梵天承佛威神觀見如來心自念言如來常充未曾飢渴用愍衆生故與眷屬而行分衛我等慕樂夙夜精進成至正覺與眷屬俱而行分衛作是念已發大道意唯須菩提若懈怠衆嬾惰不勤見於如來入郡國縣邑州域大邦心中歡悅稽首自歸發平等心慕最正覺唯須菩提見諸佛尊終不虛妄衆人觀聞其音響者一發意頃以爲道本因是究竟得至滅度以故如來而行分衛唯須菩提如來入郡國縣邑諸在縛繫閉在牢獄而得解脫衆生若聞如來名号承其聖旨自然得解

一 豈八

十一

欲報慈恩發無上正真道意以是之故而現分衛唯須菩提族姓子族姓女若聞如來功勳之德歎詠名稱適承其号奉上如來餽饌異味衣被牀卧及他異供敬護父母兄弟姊妹夫婦子孫若無因緣不得故往奉覲如來以故如來入於郡國縣邑而行分衛心懷踊躍貢上供養皆發無上正真道意唯須菩提其四天王奉如來鉢若貧窮衆少於財寶欲薄布施者見如來鉢自然而滿大財富者欲廣施者見如來鉢空因供施佛皆發無上正真道意以故如來現行分衛唯須菩提假使如來取若干鐺悉齊合著百千億鉢還著一鉢不令雜錯各如本故無數諸天龍神捷沓悉阿須倫迦留羅真陀羅摩休勒覩於如來變化示現得未曾有善心生矣皆發無上正真道意以是之故而行分衛唯須菩提如來身者金剛之數無量福會如來身者無有生藏及與熟藏亦無不淨大小之便不用飢渴

而行分衛現有所食不覩所入而見如來顯明大慧真正之法皆發道意又須菩提若有衆生施如來食多少麤細甘美不好所貢上饍在於如來所種德本所立福祐不可限量無有邊際況復廣施受天人福衆祐不盡至得滅度以是之故而行分衛又須菩提如來

一定三昧正受無數神尊諸天子等衆梵天王色行天子見於如來而行分衛不捨三昧心自念言今佛愍哀衆生之故而行乞食不用飢乏諸天人民覩斯義利皆發道意以故如來現行分衛又須菩提如來常懷賢聖自在而行分衛無有貪嫉亦不飲食爲諸信者

頌宣經道令出家學化族姓子女故行分衛未曾飲食其饑饉者不能自致至於道德欲令此等所願具足故顯分衛又須菩提如來執懷聖賢自行分衛救諸不賢濟衆望礙使無所著令與大道至無極慧又須菩提如來愍念將來之世邊地諸國故行分衛得無後

豈八

十二

世不信道法長者梵志心自念言此等聖師不行分衛弟子何故橫行乞食見諸比丘及比丘尼懷恚不喜由是之故佛現分衛心自念言佛無上尊愍衆分衛弟子法之因供咨嗟手自斟酌施與比丘此等學士承佛至教而行分衛見之欣然供養一切比丘比丘尼

以故如來而現分衛又須菩提諸王帝王太子長者梵志大臣百官諸子見於如來無上正真不乞食者若有衆人信樂道法棄家行學而作沙門恥於分衛我等家門姓貴豪尊出爲沙門反從庶民貧家下劣乞分衛乎以故如來現行分衛心自念言如來大德猶如

虛空愍行分衛況我等乎念此不慙哀諸下劣樂行分衛又須菩提如來普隨世間習俗而勸化之因其勸樂各從衆生應受化律而授道教如來各隨而建立之緣其方便未曾飢虛無有衆患飢渴之難不以羸劣無有慳嫉無有衆惡決諸疑網如是須菩提如來以

此無量方便欲救衆生故行分衛度衆聞塞
 使見道明女謂須善提賢者寧能以是隨時
 方便用斯大哀如此衆祐建修清淨行分衛
 乎須善提答曰姊我不堪任猶如一切野狐
 狸兔衆獸小蟲不能當任師子鹿王不能獨
 步而現其前師子吼也如是一切聲聞緣覺
 之乘不任如來威神禮節善權方便普安一
 切大慈大哀女說此善權方便如來大哀時
 其女父母長者家中大小及餘長者來入舍
 中聞所說法二萬八千人皆發無上正真
 道意
 順權方便經卷上

十三 豈八

祠音音僚音寮僉七廉反分衛乞食頌音珠珠璣
下居依反圓者晃昱上胡廣反下余菊養
曰珠不圓曰璣倚於離反巨然上古反憚怕上徒敢反下足白
倚於離反洒洗音和沓徒合反涯音宜裸郎果反斟酌音上
叔祖也赤匱求位反銷音下饒音下酌音上
針下之狐狸上音胡下洒除上小禮

順權方便經卷

豈九

西晉三藏法師竺法護譯

假号品第四

於是須善提謂女言姊寧出門有夫誓乎其
 女答曰賢者唯聽我夫非一所以者何假使
 衆生好樂勤修放逸自恣亦能奉順善權方
 便斯等衆生皆我夫主須善提問姊何謂好
 樂順權方便其女答曰唯須善提或有衆生
 先以一切欲樂之樂而娛樂之然後乃勸化
 以大道若以衆生因其愛欲而受律者輒授
 愛欲悅樂之事從是已去現其離別善權方
 便隨時而化須善提問姊如來從始以何好
 樂隨其時宜不違法教須善提謂女曰如來
 至真未曾教人隨愛欲也其女答曰賢者不
 聞乎如來法教若有比丘隨心所好衣食狀
 卧具病瘦醫藥慈心之種乞食諸家所到居
 業與其同等志所慕樂和上教師追學務訓
 因化入道須善提報曰唯然如姊今者來言